

〔東漢〕

## 祖天師張道陵

—— (34-156, 142<sup>1</sup>-156 在位)

### 系出名門 魁星下凡

祖天師姓張，本名陵，入道，改名道陵。字輔漢，沛豐邑<sup>2</sup>人，張良八世孫。<sup>3</sup>張良初遊下邳<sup>4</sup>，遇黃石公，授以素書<sup>5</sup>。後從漢高帝有功，封「留侯」。養真辟穀<sup>6</sup>，師友赤松<sup>7</sup>，得東園公<sup>8</sup>飛步之訣。謚<sup>9</sup>「文成侯」。陰功隱行，流芳後葉。張良有子張不疑，<sup>10</sup>張不疑次子張高，<sup>11</sup>張高子張侗，<sup>12</sup>張侗子張無妄，張無妄子張仁，<sup>13</sup>張仁子張覺，<sup>14</sup>張覺子張啟。<sup>15</sup>張啟子張勣，字君游，一字大順，<sup>16</sup>後封為「桐柏真人」，<sup>17</sup>張道陵乃其長子也。

張勣仕漢，曾與妻劉氏赴任吳地。<sup>18</sup>東漢光武帝（25-57在位）建武十年（34）正月望日，劉氏夜見天人自北斗魁星<sup>19</sup>中降至地，長丈餘，衣繡衣，以薔薇香<sup>20</sup>授之。天人隱而衣服、居室皆有異香，經月而不散。五月十八日張道陵生於吳地天目山<sup>21</sup>。<sup>22</sup>時黃雲覆室，紫氣盈庭，室光如日。復聞昔日之香，浹日<sup>23</sup>方散。

年及冠<sup>24</sup>，身長九尺二寸，厖眉廣額<sup>25</sup>，綠睛朱頂，隆準方頤<sup>26</sup>，

目有三角<sup>27</sup>，伏犀貫腦<sup>28</sup>，玉枕峰起<sup>29</sup>，垂手過膝，美鬚髯<sup>30</sup>。龍踞虎步，豐下銳上，望之儼然<sup>31</sup>。雖親友見之，肅如<sup>32</sup>也。

秉性嚴直，沉默好古，博極經史，兼明星緯<sup>33</sup>。<sup>34</sup>七歲讀《道德》二篇十許遍而達其旨。於天文地理、河洛圖緯<sup>35</sup>之書，皆極其妙。通習墳典<sup>36</sup>，所覽無疑。從學者千餘人。天目山南三十里、西北八十里，皆有講誦之堂。臨安神仙觀、餘杭通仙觀即其地也。

## 短暫出仕 棄儒修道

漢明帝（57-75在位）時為太學<sup>37</sup>書生，<sup>38</sup>舉賢良方正直言極諫科<sup>39</sup>。永平元年戊午（58）二十五歲，詔書拜<sup>40</sup>巴郡江州令<sup>41</sup>，身雖仕，而志修煉形輕舉<sup>42</sup>。值中國紛亂，在位多危，乃謝官，<sup>43</sup>時年二十六歲。<sup>44</sup>

遊洛陽北邙山<sup>45</sup>，後入蜀。樂蜀之溪嶺深秀，遂隱陽平山<sup>46</sup>，得煉形合氣之書<sup>47</sup>，苦節學道，嗇氣<sup>48</sup>養神。在隸上山<sup>49</sup>，始授弟子養形輕身法，從學者嘗數百人。

漢章帝（75-88在位）召不就。<sup>50</sup>漢和帝（88-106在位）即位，聞其有道，以三品印綬<sup>51</sup>、駟馬車<sup>52</sup>等，徵為「太傅」，<sup>53</sup>稱疾不起<sup>54</sup>。三詔不就，語使者曰：「為我謝天子，人生百歲，光陰瞬息間。父母妻子，恩愛隆厚，豈能長保哉？九天之上，無何有之鄉<sup>55</sup>，金闕帝君將詔吾以為臣矣！惟清靜寡慾，則天下自治，何以臣為？」

時漢和帝永元四年（92）壬辰歲也。

漢政陵遲，賦斂無度，難以自安，雖聚徒教授，而文道凋喪，不足以拯危佐世。<sup>56</sup> 一日謂弟子曰：「吾少嗜學，研窮六籍，大抵皆經世具<sup>57</sup>也。夫通爵顯秩<sup>58</sup>，贏金穀玉<sup>59</sup>，比吾身中一毫孰重？然四體百骸，又豈吾所固有也，皆游塵聚沫<sup>60</sup>耳。剝心<sup>61</sup>煉形，與道合真，乘雲駕龍，白晝上賓，豈不快哉！人生有會則離，有生則死，死者精神冥冥，不可復還。惟昔軒轅味道，松喬食霞<sup>62</sup>，並白日飛騰，永劫無窮，不亦美乎！古人辭萬乘之貴，千駟之富，良有以矣！既不能兼才通俗，與世俱濟，請從所學，各宜及時。於此分別，不亦可乎。夫人情亦無極，聚極則散去，樂極則悲來，豈可逃也？吾今將遊涉山海，遠離塵境，棲寓幽渺，以究所學。與汝等別離，子等固如何也？」弟子有王長者，習天文，通黃老，留侍左右。遂散學徒。以清虛淡薄為務，不交人事。

## 東南雲錦 煉丹龍虎

遊淮，居桐柏太平山<sup>63</sup>。獨與弟子王長，從淮入鄱陽<sup>64</sup>，登樂平<sup>65</sup>雩子峰<sup>66</sup>。山神拜於道，願受驅策，命廟食<sup>67</sup>峰下。煉丹其間，山神知覺，而雙鶴導其出入，遂棄其地。<sup>68</sup>沂<sup>69</sup>流入雲錦山<sup>70</sup>。王長負書行歌，同往雲錦山居。

夫人至，同隱雲錦山。積年累有感降。張道陵得黃帝九鼎神丹之術，<sup>71</sup>而修玄玄之道，後乃按方煉九鼎神丹。<sup>72</sup>又得神虎

祕文於壁魯洞<sup>73</sup>。煉丹期間，一年有紅光照室，白虎銜符文置座傍。<sup>74</sup>二年有五雲覆鼎，夜不假燭，髣髴<sup>75</sup>有青龍、白虎各一，常繞丹鼎，山因以名「龍虎山」。三年丹成，時年五十餘，而容貌益少，<sup>76</sup>若三十許人，行及犇馬<sup>77</sup>。

丹雖成，未敢服，謂王長曰：「沖天之士，當功及生靈，佐國立家，興利除害，然後輕舉。苟利一身，功不及民，非大道弘濟之旨。吾觀蜀中，蛇毒鬼氣綿亘山谷，生民不知，潛<sup>78</sup>罹<sup>79</sup>其害，吾甚憫之。今且修行清靜之化。輔贊大道，撫育玄元爾！」暨訪西仙源<sup>80</sup>，得祕書祕文，制命五嶽、檄召<sup>81</sup>萬靈。

一日謂王長曰：「五嶽多仙子，三蜀<sup>82</sup>足名山，吾將能偕<sup>83</sup>遊乎！」遂與北入嵩山<sup>84</sup>崖嶺，石居九年。<sup>85</sup>精思感徹，有繡衣使者告知中峰石室藏《上三皇內文》、《五嶽真形圖》等書。<sup>86</sup>張道陵感其言，乃齋戒七日，入其室。足所履處，蹶然<sup>87</sup>有聲。即坎<sup>88</sup>其地取之，果得隱書制命之術，精修而能策召鬼神，飛行遠聽，得分形散影之妙，通神變化。<sup>89</sup>乃曰：「昔禹平水土，益焚山澤<sup>90</sup>，功垂萬世。今地道失寧，妖厲不戒，吾徒無益，道功未立。聞巴蜀沴<sup>91</sup>氣為災，當往除之。」

## 西蜀鶴鳴 老君授命

遂復尋西蜀名山，<sup>92</sup>其地勝多名物。因入陽平山，精思服煉，能出入陽神，飛行洞視。<sup>93</sup>丹成二十年，陰功已著，乃餌服神丹，

時年七十。<sup>94</sup> 往西城山<sup>95</sup> 築壇朝真，以降五帝。忽一鄉夫告曰：「西城、房陵<sup>96</sup> 間，有白虎神，好飲人血，每歲其民殺人祭之。」張道陵召其神戒之，遂滅。又告梓州<sup>97</sup> 有大蛇，藏山穴中，鳴則山石振動，時吐毒霧，行人未及三五里，率<sup>98</sup> 中毒而死。張道陵以法禁之，不復為害。

入鶴鳴山<sup>99</sup> 精思，上徹金闕後聖<sup>100</sup>，時漢順帝（125-144 在位）漢安元年壬午歲（142）五月一日午夜，<sup>101</sup> 張道陵在鶴鳴山，寢方酣熟，老君駕飛雲綠駢<sup>102</sup>，駐山東南，顧謂眾真曰：「道陵修行困苦，吾感其志，將授以治身祕籙、飛騰長生之道。而遇其休息，神遊物外。卿等勿驚，今自覺也。」時張道陵夢見一人，帶夜光之甲，冠通天之幘<sup>103</sup>，執命魔三氣之幢<sup>104</sup>，謂張道陵曰：「咄咄<sup>105</sup>！道陵，子何心生疲倦，聖駕久駐待子！」夢覺，張道陵忽然驚起，攘袂<sup>106</sup> 振衣，疑為外邪所亂。

良久，鑿佩珊珊<sup>107</sup>，天樂隱隱，香花覆地，紫雲滿空。瞪目東瞻，紫雲之上，有素車一乘，駕五白龍，青袖朱衣，金甲執戟者二十四人，左右環列，車前對立。玉女綵衣花被<sup>108</sup>，雲髮頹<sup>109</sup> 肩，各執一幢，上有玉榜金文曰「命魔之幢」；次列二童，青衣紺<sup>110</sup> 首，垂環曳裙，各執一旛<sup>111</sup>，上左青龍，右白虎，金榜朱文曰「召仙之旛」；復次二人，朱袖金甲，各執三氣十絕旌節<sup>112</sup>，上有丹榜素文曰「倒景之節」。前立一人，繡衣玉冠，捧三五斬邪雌、雄二神劍，上各有星斗日月之文<sup>113</sup>，劍文曰「太上三五斬邪之劍」。車右一人，霞衣金冠，捧一玉印，文曰「陽平治都功印」。其餘

翼衛侍從，莫知其數。

素車之上，九色輕霞濛濛然。須臾，光景澄徹，見車中一神人，容儀若冰玉，手執五明寶扇，項負八景圓光，身六丈餘，神光照人，不可正視。車前一人敕張道陵曰：「子勿怖，即太上老君也。」<sup>114</sup>張道陵斂簡前拜，不敢仰視。老君告曰：「吾昔降蜀山，立二十四治，<sup>115</sup>乃二十八宿之下圍<sup>116</sup>，實陰景黑簿之司分，掌人世死生罪福。吾愍<sup>117</sup>下元生人，繫繼<sup>118</sup>苦魂，延累祖考<sup>119</sup>，積成幽繫<sup>120</sup>，令人凶折，終不成道。即於此更置福庭，分命仙曹，主掌世人罪福死生。今經數劫，仙僚不充，職任隳<sup>121</sup>廢。近有六天<sup>122</sup>鬼神血食之輩，侵奪以居，晝夜不分，人鬼無別，枉暴生民，妄罹災<sup>123</sup>害，深可痛惜。子何為吾攝邪歸正，分別人鬼，各守晝夜，復典<sup>124</sup>此治，以福生民，則子功無量矣！吾以汝名在丹臺<sup>125</sup>，當為真人，故委汝也。」

張道陵叩頭謝曰：「道陵性識愚戇<sup>126</sup>，萬劫幸遇，遭會大道，死魂再生，枯骨重肉。欽佩道旨，謹當奉行，不敢懈怠。」老君遙召三五功曹<sup>127</sup>。須臾，西方有五色之氣勃勃而起，其中有二仙，乘龍、虎二騎，皆長數丈，黑幘朱衣，佩劍執圭<sup>128</sup>。從官百二十人，皆黑幘繡衣，持劍執戟，侍衛進拜。老君曰：「卿等三五功曹乎！速為吾開紫陽南宮玉宸內殿，<sup>129</sup>取三天正法，<sup>130</sup>吾欲傳授。」

俄頃<sup>131</sup>之間，南方起二十四生氣，祥光瑞彩，泱<sup>132</sup>然滿空。其中各列玉童，捧一玉函，貯籙一品，皆玉札金文，即三五都功

諸品經籙，<sup>133</sup>以授張道陵。謂張道陵曰：「與卿千日為期，後會闔苑<sup>134</sup>。」

七月七日老君復授以正一盟威祕籙，<sup>135</sup>及三清眾經九百三十卷、符籙、丹竈祕訣七十二卷，一千二百官章，雌雄二劍，<sup>136</sup>都功印，二儀交泰冠，驅邪帔褐，魚鬣衣<sup>137</sup>，方裙朱履等賜之。<sup>138</sup>令制科律，佐國行化。行之千日，則邪鬼不敢正視。張道陵拜謝。

傳度已訖，於鶴鳴山研味祕文，按法遵行。服五雲氣，其間石鶴鳴則有昇天者，先是，章、和間其鶴鳴焉。<sup>139</sup>又感清和玉女教以吐納清和之氣，修之日久，內顧五臟，外集三萬六千神。攝伏精邪，行籙中三步九迹、交乾履斗之道，即魁罡七元，隨其所指，<sup>140</sup>隱遁出沒，皆得自然。

## 青城戰鬼 盟誓分治

遂依告命，戰鬼於蜀。時有八部鬼帥，各領鬼兵動億萬數，居西蜀青城山，有鬼城、鬼市，分形變化，混雜人間，布行疫疹，人莫知之。人鬼合雜，市利交易。

張道陵以漢安二年癸未（143）七月一日，佩盟威祕籙，往青城山，置琉璃高座，左供大道元始天尊，右置三十六部真經，立十絕靈旛<sup>141</sup>，周匝<sup>142</sup>法席，鳴鍾扣磬<sup>143</sup>，燒香行道，及誦《道德》諸經，布龍虎神兵於城市。

眾鬼即持兵刃矢石，來害張道陵。張道陵舉手一指，化為一大蓮花拒之。鬼眾持火千餘炬來，張道陵舉手一指，鬼反自燒，不能前進，遙語張道陵曰：「師何為來奪我居處？師等速下山，須與必殺師。」張道陵曰：「汝等兇毒，殘害眾生，所以吾不使汝居此，當擯<sup>144</sup>於西方不毛之地。鬼帥聞此語，即會兵馬各千萬眾，精甲犀<sup>145</sup>刃，上山圍繞。王長驚怖，啟張道陵曰：「魔王眾來，作何計術？」張道陵曰：「小鬼何足驚怖？取丹筆來。」王長以進。張道陵執筆，遙畫鬼陣，其眾皆死，小帥校一時僵仆<sup>146</sup>，八大鬼帥困臥，叩頭搏頰<sup>147</sup>，求乞殘生。張道陵聞語，良久不言。再以丹筆倒畫之，鬼眾復蘇。即呼鬼帥曰：「汝等進前，吾有處分。」鬼帥各各前立，張道陵曰：「汝等可速遠避，自今勿復行病，妄有殺害。今之民庶，皆吾子弟之家爾。不然，誅無留種。」鬼帥曰：「天下人民，本自隸我，云何盡奪？當分一半。」張道陵不許，叱咄之。

鬼帥復會六大魔王，領百萬鬼兵，再來攻戰，圍繞此山。王長曰：「鬼眾不可當，復何作計？」張道陵笑曰：「子勿驚，吾自能却之。」復以丹筆一畫，鬼眾悉死，惟六天魔王仆地不能起，叩頭搏頰，乞殘生而去。張道陵不顧，復以丹筆一擬<sup>148</sup>，此山遂中分為二，摩霄<sup>149</sup>徹泉，鬼兵欲度不能，大聲求哀。自今而去，不敢復來，乞往西方婆羅之國而居止焉。

張道陵恕許，倒筆再畫，八帥六魔悉起。呼之使前，趨<sup>150</sup>進不得。張道陵乃令王長肩一大石為橋，度之，鬼王方得進，拱立



侍前。張道陵謂曰：「汝能以筆畫石得破，亦當與汝分民；若不破，汝可急馳萬里也。」鬼帥等執筆交畫，石皆不破。<sup>151</sup>時雖攝伏鬼眾，更欲盡制其心，謂之曰：「汝等既欲與吾分民，當與汝輩各盡法力，以分勝負。」鬼帥曰：「惟命是聽。」張道陵投身入大火中，即足履青蓮而出；鬼帥投身，為火所燒。張道陵入木，身度木外，木即隨合；鬼帥投身，即墜於地。張道陵入水，乘黃龍而出；鬼帥入水，為水所溺。張道陵以身入石，透石而出；鬼帥投身，纔入一寸。張道陵以身入鐵山，透鐵而出；鬼帥纔入半寸。張道陵咒神符一道，左手指之，鬼斃，右手指之，復生；鬼帥舉手指之，無復生死。鬼帥乃化八大虎，犇攫<sup>152</sup>而來；張道陵化二獅子逐之，奔走無地。鬼帥又化八大龍，欲來擒師；張道陵再化金翅鳥，啄龍目睛，其龍乃走。鬼帥又化作大神，轟轟<sup>153</sup>震吼，雙手持大槌<sup>154</sup>，欲擊張道陵；張道陵化金剛，身長七十二萬丈，廣五十二萬圍<sup>155</sup>，戴大冠，負圓光，踏蓮花寶臺，具十二種無量相，一杵一拳一擬，大神退走。鬼帥騰身，十二丈即墜；張道陵騰空，高百餘丈，上無所攀，下無所乘。鬼帥作五色雲，昏暗天地，不見光明；張道陵化五色瑞日，炎光暉灼，雲即流散。鬼帥變見窮盡，更無所為。張道陵化一大石，可重千餘斤，以藕絲懸之，徧滿鬼帥營上，令二鼠爭嚙其絲，欲壓殺其眾。鬼帥等無所逃避，同聲哀告，願乞餘生，即當遠去，不敢害及生民。

張道陵遂命五方八部六天鬼神，會盟於青城山黃帝壇下，使人處陽明，鬼行幽暗，使六天魔王歸於北豐<sup>156</sup>，八部鬼帥領眾竄于西域。<sup>157</sup>五行之毒<sup>158</sup>，又戒而釋之。乃執丹筆曰：「吾筆所指，

鬼眾盡滅。要之，人鬼分治，幽明異境，不欲盡滅汝類。」即與盟誓，折石為契，刻作天地日月之形，於黃帝壇下、絕崖之上，誓曰：「天地交，日月合，汝等若復行，必盡誅之，勿留種矣！」<sup>159</sup>乃以神印封鬼營市，<sup>160</sup>使不得相通。自是幽冥異域，人鬼殊途。<sup>161</sup>

盟誓之後，鬼眾躊躇<sup>162</sup>不去，張道陵口敕神符一道，飛上層霄。于時風雨、天仙、兵馬、風刀立至，諸鬼滅影而走。於是戰鬼一十四敗，蕩滌區藪<sup>163</sup>。奪鬼幽獄，復為二十四福庭，增治四治，以應二十八宿。降二十八宿正氣，以通地中。以六十甲子生人，分屬各治。每治立陰官一人，仙官一人，分掌世人罪福。有立功立行、修齋設醮、騰章拜表、謝過祈福、遷拔祖考者，則仙官錄其功行，奏名於上宮，增其福壽。如不孝不忠，欺詐狠戾，常行惡事，不能改過者，則陰官錄其罪，聞於地府，損其福壽，或絕其後，由是善惡報應，如影響焉。

張道陵既行正一之化，攝三萬六千種外道惡魔，誅絕邪偽，於是百姓翕然<sup>164</sup>奉以為師。張道陵善以符水治病，<sup>165</sup>教民誠敬忠孝。民有疾患、官災，隨事輸米絹、絲綿、雜器、紙筆、樵薪之屬以贖罪，并疏其過惡而懺謝之，誓不敢復犯，災難隨解。又教以廉勤理民，不煩刑罰。由是民皆樂從，莫敢為非。盜賊不作，物無疵癘<sup>166</sup>，皆天師之化。<sup>167</sup>

## 殺鬼過當 再謫十年

東漢質帝本初元年丙戌歲（146），<sup>168</sup>張道陵欲徧經治山，因至閬州雲臺山<sup>169</sup>，睹山水秀異，群峰朝挹，地無邪毒，乃謂王長曰：「此山乃吾成功飛騰之地。<sup>170</sup>」遂卜居<sup>171</sup>以修九還七返之功，一心存念大道，經四十九日，復聆昔日鑾佩天樂之音，張道陵整衣叩伏，乃見老君如前，導從千乘萬騎，來集空際。久之，徘徊不下。張道陵再拜，悲泣踊仆，言曰：「臣昔者自念夙承寶蔭，親授祕文，乃依天憲，戰鬼行化，功成退居。今飈<sup>172</sup>駕再臨，不我下降，意者大道離臣，臣其為尸敗<sup>173</sup>乎？」遂舉手，以身自仆。老君乃命使者告曰：「卿之功業，合得九真上仙。吾往使卿入蜀，奪鬼幽獄，區別人鬼，布清靜之化，而卿殺鬼過當，擅興風雨，役使鬼神，驅馳星斗，震蕩山川，陰景翳<sup>174</sup>晝，殺氣穢空，此非大道好生之意。上帝責子之過，所以吾不得近子矣！吾未能與子論功，且當退居世間，待吾於下元之主，當與申敘<sup>175</sup>罪戾，以雪重責。」

張道陵悲泣，請死於今日。老君復告曰：「子可閉目東視。」乃見一人黃衣黑幘，捧一玉函，中有素書三卷，題曰：「三八謝罪滅黑簿超度玄祖章」<sup>176</sup>。張道陵再拜受訖，老君告曰：「子可勤行，修謝日月二十八宿、二十四氣、陰陽本命主者，罪滅黑簿，名昇紫清<sup>177</sup>。七祖父母，同為上仙。謝過之後，更修之三千六百日，<sup>178</sup>吾待子於無何有之鄉、上清八景宮中。」言訖，聖駕已回。張道陵遂依告文，領弟子遷鶴鳴山，築壇以醮太陽太陰，遇三元八節、本命元辰、庚申甲子、三會五臘，修齋設醮，轉經然<sup>179</sup>燈，

懺謝日月星辰，天地陰陽，自己九玄七祖所犯之罪。三年之後，玄祖生天。

從學弟子再聚數日，同往主簿山<sup>180</sup>，隱功馨聞，眾瑞符應。一夕，神人授以玉璧，謂曰：「群仙使我以此光子。」居本竹山<sup>181</sup>，眾真授《靈寶上經》。<sup>182</sup>一日，有神人夜召張道陵以俱往，授以《清靜經》，三日乃返。<sup>183</sup>

## 七試趙昇 弟子到齊

領弟子遷渠亭山。是時，從遊者數十人。一日告其徒曰：「諸弟子，謝爾輩勤事我。奈爾輩俗態未除，不能棄世，正可得吾行氣導引之術，<sup>184</sup>或可得服食草木數百數之方。爾業重緣薄，未可遽<sup>185</sup>議成道。更<sup>186</sup>三世，可與吾會。第往之<sup>187</sup>。」乃指王長曰：「惟爾累世種善，可以成就矣！」又曰：「東方有男子走小月<sup>188</sup>者，亦當飛昇。不遠千里，明年正月七日當來矣。」具說容貌長短形色。

漢桓帝（146-168 在位）建和二年戊子（148）正月七日，<sup>189</sup>張道陵曰：「日且午，趙子其至乎！」言卒而趙昇至，皆如所言。門人以告，張道陵曰：「噫！此人來矣，未可遽納。」乃七試之。初不受謁，令人唾辱遣之，不去；露宿四十日，志益確，乃見之。又使人入山守黍驅獸，夕有美女，言遠行遇夜，願寄宿。趙昇與接席<sup>190</sup>，端坐達早。明日又告病足，逗留，冶容<sup>191</sup>挑趙昇，趙昇終不失正。又行道見遺金在，數十餅，過而不取。又令伐薪，有三

虎哮吼而前，趙昇神色自若，曰：「吾遠從聖人求不死之道，汝為山鬼試我邪？」虎乃去。又使令人肆市帛，付直訖，而物主誣以未得。趙昇了無所爭，更貿<sup>192</sup>衣以償之。又令守稻，有弊衣瘠容，瘡瘍徧膚，口齒臭敗，叩頭乞食。趙昇惕然<sup>193</sup>動容，解衣餉<sup>194</sup>飯，以餘糧遺之。凡六試，皆動心感色之事，趙昇執心無二。

又領弟子登雲臺絕崖之上，逍遙嘯咏，下臨萬仞之壑<sup>195</sup>。有桃生絕壁間，其實甚異。張道陵謂諸弟子，有能得此實者，當告之以道。於是俯而窺者，將二百餘人，莫不股慄駭汗，謝曰：「此桃不可得也。」惟趙昇進曰：「聖師所護，何峻險之有？師在，終不使昇隕於此谷。分若可教，此桃可得矣！」於是投身而下，正及桃上，足不蹉跌<sup>196</sup>，摘滿懷。攀緣石壁，欲上不可，即仰而擲之二百餘顆。張道陵分諸弟子，留一待趙昇。臨谷以手援之，眾見其臂不加長，欸<sup>197</sup>虛引而上，徐曰：「昇猶以正心得桃，不致隕墜。吾今試自投之，當應大得桃也。」眾言不可，惟趙昇、王長不諫。張道陵遂投身而下，因失所在，久而不上，眾驚莫測。趙昇、王長默然良久，乃曰：「師則父也，父既往矣，吾將安歸？」言訖，俱投谷中，正墜師前。見張道陵在瓊林寶帳之中，七寶臺上，瞑目端坐，笑曰：「吾知汝二人當至也。」遂授以神丹及寶經祕訣。其諸弟子守於雲臺絕崖之上二日，各散去。

### 禁錮神女 陵州<sup>198</sup> 得鹽

一日，領弟子遙見陽山<sup>199</sup>白氣屬<sup>200</sup>天，<sup>201</sup>謂王長、趙昇曰：

「彼處必有妖怪，當往除之。」遂至其地。值十二神女<sup>202</sup>於山前，姿態妖艷。因詰<sup>203</sup>其由，神女答曰：「妾等實土地陰靈也。」張道陵遂問「此地有鹹泉何在？」神女曰：「前有大湫<sup>204</sup>，毒龍處之。」張道陵以法召之，不出，遂書一符，化為金翅鳳，向湫上盤旋。毒龍驚懼，捨湫而走出，其湫即竭，插劍其下，遂得鹹泉，煎之成鹽。金翅鳳泊於南山<sup>205</sup>之上，後人呼為鳳凰臺，鳥雀至今不敢棲其上。

十二神女各捧一玉環來獻曰：「妾等願事箕帚<sup>206</sup>。」張道陵受其環，以手揖之，十二環合而為一，徑餘一尺，投於地中，隨即深陷，已成井矣。<sup>207</sup>謂曰：「吾投此環於井中，能得之者，如所請。」神女聞語，競解衣而入，爭取玉環。張道陵遂掩之，盟曰：「令作井神，勿得復出，免為生人之患。」

張道陵方治鹹泉，有獵者逢於道，張道陵戒其勿殺，因授以煮鹽之法。其井深五百四十尺，闊一丈，日得鹹泉四十餘函，其利甚博。張道陵遂指西北山上曰：「此處可以築城。」又指城南下曰：「此處川嶽相朝，可建福庭。」其山下無江及井，居人乏水，張道陵以神劍插地，因而成井，遣神衛之，使之不竭。張道陵謂趙昇、王長曰：「此山多巖，人民居焉，慮山崖或墜落！」遂召其神誓之，使不傷人。後人感張道陵之言，因而立祠，至今崇奉祈禱不絕。<sup>208</sup>

一日思神之際，謂二子曰：「吾向<sup>209</sup>取神女衣，深慮神女復

取之，出為人害。」遂再詣其所，取衣藏於高峰石室中，勅地神守護。即「焰陽洞」<sup>210</sup>也。彼方之民至今不罹神女之害，而獲鹽井之利。

與弟子過宋江<sup>211</sup>，其中多異物，為人害。張道陵置石函<sup>212</sup>於江中，錄神姦<sup>213</sup>之名，以法召入鎖之。復篆<sup>214</sup>符以鎮焉，<sup>215</sup>其怪遂絕，後人呼為「擯鬼符」，每水涸，人多見之，摹歸供養，以屏妖惡。

## 成真朝元 傳法授職

張道陵乃復領趙昇、王長往鶴鳴山。漢日，亭午<sup>216</sup>之際，忽見一人朱衣青襟，曳履<sup>217</sup>執版；一人黑幘綃衣<sup>218</sup>，佩劍，捧一玉函，從朱衣使者，進曰：「奉上清真符，召真人遊於閩苑。」須臾，東北有十四人，皆龍虎鸞鶴、龜鱗魚鳥之騎，執節持幢，前後從引，千乘萬騎，獅子辟邪<sup>219</sup>，天丁甲卒，無鞅<sup>220</sup>騎吏，來迎張道陵。次有黑龍，駕一紫輦<sup>221</sup>，玉女二人，引張道陵登車。旋踵<sup>222</sup>至闕<sup>223</sup>，闕前榜云：「擬太玄都正一真人闕」。張道陵既至，群仙禮謁。良久，二黑衣吏持天符佩劍，執圖籍而至，上云「超度先祖之籍」，即皆上朱陵府<sup>224</sup>矣。<sup>225</sup>

張道陵視事訖，領弟子居渠亭山石室中，調太真之氣。一日忽有二青童引群仙，皆朱衣絳節，前導曰：「老君至矣！」乃相與騰空而上。至一處，臺殿巍巍，金階玉砌。或謂張道陵曰：「將

朝太上元始天尊也。」<sup>226</sup>張道陵整衣趨進，望見殿上圓光照人，不可正視。或語曰：「左侍無上大道君，右侍太極真人，前侍虛微元君，後侍太上老君。<sup>227</sup>」金童玉女侍香散花，妙行真人執經，俯而前立。班成，群真皆謂曰：「今子等皆成真矣！由汝一念，而萬劫業緣，皆盡於今日。」移時<sup>228</sup>，殿上勅青海小童<sup>229</sup>諭張道陵以正一盟威之法，使傳世世，拜張道陵為「三天扶教輔玄大法師」<sup>230</sup>。勅還人間，勸度未悟，仍密諭飛昇之期。

張道陵受命，復返渠亭赤石崖舍，出三天正一祕法<sup>231</sup>付王長、趙昇。<sup>232</sup>復於瀛沅山中，敷演其法。<sup>233</sup>遷平蓋山<sup>234</sup>，合九華大藥<sup>235</sup>。

時有東治禁氣師姚、徐二姓，能收社廟之鬼，回喪車，起死口，周流九州之內，常統陰鬼、甲馬<sup>236</sup>萬數。聞張道陵在蜀，乃求見焉，曰：「大道一氣爾，神靈之間，寧有隆卑邪？吾等統八極，陰兵萬億。假令有道，其如吾何？」魔<sup>237</sup>其徒至戶外，張道陵不納，顧謂王長、趙昇曰：「此乃六天邪神，不合與正氣相見。」令立道傍，三晝夜不與進退。弟子怪而問之，張道陵曰：「此與群精大邪共來試我，今令立於門外，亦無苦也。」姚、徐呼曰：「聞師有道，故來求見。既蒙不納，復令久立，我何罪也？」張道陵乃令弟子語曰：「今赦原汝，不問往罪。」其眾乃得辭去。



## 南北二斗 玉局傳經

張道陵領弟子還鶴鳴山，於漢桓帝永壽元年乙未（155）正月七日五更之初，王長、趙昇見空中神仙騎吏一人，駕雲車，徘徊於山之東南，大聲言曰：「張道陵功行已就，將授以祕籙。」言訖，老君駕龍輿，張道陵乘白鶴，會于成都城下。老君同至，萬神湊<sup>238</sup>迎，地涌<sup>239</sup>出一玉局<sup>240</sup>，高丈餘。老君昇座，為張道陵再授道要，重演正一盟威之旨，說《北斗延生經》。以十五日上元，再會於成都，說《南斗經》及演說諸經。張道陵聽畢，老君已回，玉局消散，因成空洞。<sup>241</sup>

張道陵往鹿堂治<sup>242</sup>，召四鎮太歲、五嶽四瀆、社稷神祇，群仙悉集。是時山前有一石筍，可高丈餘，張道陵執起，以誓眾神曰：「太上有勅，令吾誓眾，當崇奉正道，好生惡殺，佐國安民。其有不稟恭者，吾遣萬神誅之。」乃擲石筍於巖下，立於治側。遂與定三十六靖廬、七十二福地、三百六十名山高低品秩，各置一正神主守，如世間郡邑之治。

## 道功圓滿 白日昇天

遂領趙昇、王長往雲臺治，於西北隅築壇安爐，煉大丹。丹成服之，浴於水，有神光亘天。

永壽二年丙申（156），張道陵自以功成道著，欲留其神跡，<sup>243</sup>

乃於雲臺治之西北半崖間，舉身躍入石壁中，自崖頂而出，因成二洞。今崖半曰「峻仙洞」，崖上曰「平仙洞」。

是年正月十五日，<sup>244</sup>在巴西赤城渠亭山中，太上遣使者并五帝部從，持玉冊授「正一真人」之號。既而<sup>245</sup>，太上勅張道陵為第六代道之外孫<sup>246</sup>，而太上老君為引進師、東海小童君為保舉師，太上道君為度師，<sup>247</sup>封張道陵為「天師」。<sup>248</sup>

張道陵將以《盟威》、《都功》等諸品祕籙、斬邪二劍、玉冊、玉印以授其長子張衡，戒之曰：「吾遇太上親傳至道，此文總統三五步罡，正一之樞要。世世一子，紹吾之位。非吾家宗親子孫不傳。」又以飛仙輕舉之法付之。謂王長、趙昇曰：「吾有餘丹，在煉丹亭上，金盃<sup>249</sup>之中。汝二子可分餌，今日當隨吾矣！」

是日亭午之際，復見一人朱衣青襟，曳履持版；一人黑幘綃衣，結履佩劍，各捧玉函，從朱衣使者趨前，再拜曰：「奉上清真符，迎真人於閩苑。」須臾，東北有二十四人，皆龍虎鸞鶴之騎，各執青幢絳節，獅子辟邪、天驪<sup>250</sup>甲卒皆至，稱「景陽吏」。即有黑龍駕一紫輿，玉女二人引張道陵與夫人登車，前導後從，天樂引迎，於雲臺治白日昇天，時張道陵年一百二十三歲也。<sup>251</sup>今雲臺山有祖天師墓，為衣冠塚。

❖ 唐玄宗天寶七載<sup>252</sup> 戊子（748）冊贈「太師」。<sup>253</sup>

詔令曰：「……後漢張天師，教達元和，德宗太上正一之道，

幽贊生靈；梁中散大夫貞白陶先生，高尚塵表，博達玄微，綜緝真經，俾<sup>254</sup>傳後學。並令有司審定子孫，將有封植<sup>255</sup>，以隆真嗣。天師冊為太師，貞白冊贈太保。……。」<sup>256</sup>

唐玄宗贊云：「邈彼炎漢，天圖中缺，萬彙消殘，三靈蕩越。惟師膺<sup>257</sup>運，神威迅發。躬侍玄元，親傳祕訣。妖毒雲驅，崇山劍裂。大布聲教，全清蠱孽。一振無為，永光有截。鸞鶴斯邁，丹青是設。玉相真儀，傳芳不歇。」<sup>258</sup>

唐玄宗又贊云：「邈矣真仙，孤高峻節，氣貫穹<sup>259</sup>冥，玄元示訣。落落神儀，亭亭皓月，誅邪斬精，魅驅鬼徹。漢代盟威，流傳不絕。」<sup>260</sup>

❖ 唐僖宗中和四年甲辰（884）封「三天扶教法師」。<sup>260</sup>

❖ 唐肅宗（756-762 在位）贊：

「德自清虛，聖教之實。或隱或顯，是朴是質。

靜處瓊堂，焚香玉室。道心不二，是為正一。」<sup>261</sup>

❖ 宋神宗熙寧（1068-1077）間，因二十八代天師，加號「輔玄」，封「三天扶教輔玄大法師」。<sup>262</sup>

❖ 宋徽宗大觀二年戊子（1108），因三十代天師，玉冊加「正一靜應<sup>263</sup>真君」。

宋徽宗進封真君玉冊文：「維大觀二年歲次戊子十月丁丑朔，十有六日壬辰，皇帝御名<sup>264</sup>謹再拜，言曰：『惟道無方，待人而成。<sup>265</sup>若昔至真，以道興世。功被萬物，則為神明主；務稱其休，夫何敢不崇。恭惟漢天師正一真人三天扶教輔玄大法師，體妙闡玄，<sup>266</sup>有大利於天下。劉氏之季，厥<sup>267</sup>績甚茂。遂挾光景，上超人群，祕籙真圖，系傳於後。<sup>268</sup>弭<sup>269</sup>除妖孽，擯禦不祥，陰厲下民，<sup>270</sup>既久彌著。不有徽稱，何以極報，典揚嘉惠。謹遣朝奉大夫知信州<sup>271</sup>軍事劉晏，上尊號曰：正一靜應真君。』

夫道藏於幽顯於明，功施於遠著于近。匪我能然，惟常弗息，則能尚鑒觀茲，以衍其餘。<sup>272</sup>佑相我邦家，延及我民懋，昭無疆之休，俾嗣于永世。」嗣漢

- ❖ 宋理宗嘉熙三年己亥（1239），因三十五代天師，加「顯佑」，冊封漢天師「三天扶教輔玄大法師正一靜應顯佑真君」

宋理宗皇帝制曰：「道家以清靜無為為宗，篆籙丹竈吐納醮祭，乃其法之祖，<sup>273</sup>而崇信者篤。得非誘人以悔過趨善，固名教治道之一助歟！三天扶教輔玄大法師正一靜應真君，受命璇穹<sup>274</sup>，降生漢代。修真煉行，乘雲上昇。二十四治，及青城擲筆誓鬼，三嶠<sup>275</sup>化地作鹹泉，靈迹在蜀，不可誣也。上饒龍虎山，相傳為真君故棲，玉印寶劍，奕世<sup>276</sup>授傳。乃者<sup>277</sup>京畿曠<sup>278</sup>旱，潮汐衝決，懇祈響答，<sup>279</sup>實繁陰祐。儒者諱言怪，執古史一語，過加詆訾<sup>280</sup>，是不知『常善救人，故無棄人』，與吾儒所謂『惻隱之心，仁之端』，奚以異乎？

其因<sup>281</sup>舊稱，加以善謚。焱<sup>282</sup>游無間，尚克欽承<sup>283</sup>。可封三天扶教輔玄大法師正一靜應顯佑真君。」

- ❖ 元成宗至元三十一年甲午（1294），<sup>284</sup>因三十七代天師，加「沖玄神化」，封為「三天扶教輔玄大法師正一沖玄神化靜應顯佑真君」。

元成宗皇帝制曰：「上天眷命，皇帝聖旨：我國家以至仁上德，崇獎不忘。祖天師之遺烈靈風，紀錄具在，若稽故典，<sup>285</sup>特昇<sup>286</sup>嘉名。三天扶教輔玄大法師正一靜應顯佑真君，煉氣成真，除邪輔正，羽儀凡世，歷年千二百餘。印劍單傳，距今三十七代。嗣孫與棣，克承正法；宗師留孫<sup>287</sup>，增潤先猷。<sup>288</sup>道雖本於無為，德莫厚於追遠。因時而顯，記昔所聞。夫授經於漢永壽之初，當乙未之正月，加謚於今元貞之歲，又甲子之同符，<sup>289</sup>似有數存，尚其世濟。<sup>290</sup>可加封正一沖玄神化靜應顯佑真君，餘如故。主者施行。元貞元年二月□日」

- ❖ 明太祖《太祖高皇帝賜龍虎山二十代天師贊》讚詩：

「第一代張道陵

驅風疾霆，機幹<sup>291</sup>萬靈。亶<sup>292</sup>惟神智，使濁而清。

道常無隱，滿腹仙經。鹿奔虎乘，儵<sup>293</sup>然上升。」

- ❖ 明思宗崇禎十三年庚辰（1640），因第五十二代天師，晉封「六合無窮高明上帝」。<sup>294</sup>

配偶：雍氏、孫氏，為女師。<sup>295</sup>

夫人與張道陵同隱龍虎山，張道陵得黃帝九鼎神丹之術，丹成後入蜀，遊諸名山，率身行教。夫人棲真江表<sup>296</sup>，道化甚行。以東漢沖帝永熹<sup>297</sup>元年乙酉（145）到蜀，<sup>298</sup>居陽平治，煉金液九丹。依太一元君所授黃帝之法，積年丹成。以漢桓帝永壽二年丙申（156）與張道陵於閬中雲臺治白日昇天，位為女師。<sup>299</sup>

子嗣：張衡。張衡嗣為第二代嗣師。

女兒：六女，四人得道：張文姬、張文光、張芳芝、張賢姬。

張文姬，張道陵長女。為陵王妃，以得封犯父諱，不食數月。<sup>300</sup>

張文光，張道陵第三女。適<sup>301</sup>陳郡袁公子。家豪好道。久之，白日昇天。<sup>302</sup>

張芳芝，張道陵第四女。適魏公第二子。<sup>303</sup>夫故犯父諱，遂鬱鬱不樂。於家白日飛昇。<sup>304</sup>

張賢姬，一云張賢，張道陵第五女。為燕王妃。好道，習真人之法。<sup>305</sup>

弟子：王長、趙昇；<sup>306</sup>代行治者：張申、王昇、李忠等三人，<sup>307</sup>共弟子三百餘人。<sup>308</sup>

〔宋〕白玉蟾<sup>309</sup>《贊歷代天師》：

「第一代天師正一靜應真君，諱道陵，字輔漢。  
雲錦山前鍊大丹，六天魔魅骨毛寒。  
一從飛鶴歸玄省，煙雨瀟瀟玉局壇。」

《虛無自然六合通天金符籙祖》讚詩：「雲錦山前煉大丹，  
六天魔鬼骨毛寒。自從跨鶴歸玄省<sup>310</sup>，紫氣深深玉局壇。」

讚詩簡譯：祖天師棄官修道後，前往江西雲錦山煉丹（後稱龍虎山）。丹成後，祖天師積極行功造德，獲太上老君授命，在各地斬妖除魔，打敗了八部鬼帥、六大魔王，使得妖魔鬼怪一聽到祖天師的名號就感到毛骨悚然。祖天師飛昇成仙之後，管理凡間齋醮事宜之「太玄都省」由其主管。太上老君當年傳授祖天師正一盟威之道的高台玉局已自動消散，留下正一道傳世不絕。

**寶懺讚詞：跨鶴歸玄**

讚詞簡說：祖天師飛昇成仙，至天上主持太玄都省。

**祖天師寶誥**：本來南土，上泝<sup>311</sup>蜀都。先獲黃帝九鼎之丹書，後侍老君兩度於玉局。千軸得修真之要，一時成吐納之功。法籙全成，受盟威品而結璘訣<sup>312</sup>；正邪兩辨，奪福庭治而化鹹泉。德就大丹，道齊七政。大悲大願，大聖大慈。三天扶教輔玄體道大法天師，雷霆都省泰玄上相都天大法主，正一冲玄神化靜應顯佑

真君，六合無窮高明大帝降魔護道天尊。

寶誥簡譯：祖天師張道陵（34-156），原名陵，字輔漢，是長江下游東南方的江蘇人，後來到上游的四川修道並立教。修道時，於內煉部分，先獲得煉丹之經典《黃帝九鼎神丹經》。在運用部分，於漢安元年（142）時在四川鶴鳴山獲得太上老君傳法，傳授「都功」祕籙（雲篆）與「正一盟威」祕籙（雲篆）、劍與「陽平治都功」印；永壽元年（155）功行成就時，老君坐於地面湧出的玉局，重演「正一盟威」之旨並說《北斗經》、《南斗經》。祖天師前後兩次親侍老君，得其教導，獲授千軸書卷，因此得到修真的要旨。老君亦派清和玉女教祖天師吐納清和之炁，據以修煉而得呼吸吐納的效果。祖天師受了都功和盟威二種法籙，並將他獲得的、由雲篆寫成的法籙依人間的環境、條件，加以詮釋應用，成就了人間所用的道法、道術與法籙。他也傳承了朝拜日月之法。老君最初設二十四治，以應二十四節氣，後來被鬼所占為鬼獄，祖天師據老君「攝邪歸正，分別人鬼」的授命，於青城山戰六天魔王、八部鬼帥，奪回了二十四治，重新恢復成為二十四福庭，之後與鬼神盟誓，從此人鬼殊途，各不相犯。祖天師另一大功績為打敗毒龍，收回其占據的鹹泉，教百姓煎鹹泉而得鹽，解決了古代內陸地區食鹽取得困難的問題。因積功累德，故能煉成金丹，又能依循天道，將七政運用於人間。行功圓滿，封為「三天扶教輔玄體道大法天師」，任職「雷霆都省泰玄上相都天大法主」，人間帝王封為「正一沖玄神化靜應顯佑真君」，亦尊為「六合無窮高明大帝降魔護道天尊」。



天師小號：泰玄上相大法天師，降神魁斗之中，承受大羅<sup>313</sup>之上。教法流傳於正一，劍印傳授於都功。劍握雌雄，劍斬妖精於治世；丹成龍虎，扶持助法於玄壇。護國救民，除邪輔正。大悲大願，大聖大慈。六合無窮高明大帝，祖師降魔護道天尊。<sup>314</sup>

張道陵年表

時間	西元	歲數	地點	張道陵記事
漢光武帝建武十年五月十八日	34	1	吳之天目山（杭州餘杭）	誕生
漢明帝永平元年	58	25	四川重慶	任官江州令
漢明帝永平二年	59	26	四川重慶	辭官學道
			洛陽北邙山、四川諸山	潛居學道，亦教學生，居四川十餘年
漢章帝建初三年	78	45	四川／河南南陽	張衡出生後送南陽居住
			四川至江西（桐柏山、鄱陽山、雲錦山等）	東遊
	約 82-84	約 48-50	江西雲錦山	得丹書，煉丹三年，丹成未服；得神虎祕文等，擬往四川行功造德
	約 84-92	約 50-59	中嶽嵩山	得三皇內文等
漢和帝永元四年	92	59	四川各山(陽平山)	煉功、行功造德；拒漢和帝徵召
	約 103	約 70	四川	服下大丹
			四川成都	戒西城山白虎神
			四川綿陽	禁梓州大蛇
漢順帝漢安元年五月一日	142	109	四川鶴鳴山	老君授命，獲三天正法、得三五都功籙

漢順帝漢安元年 七月七日	142	109	四川鶴鳴山	老君再授正一盟威籙等共千卷
			四川鶴鳴山	清和玉女教吐納清和之氣
漢順帝漢安二年 七月一日	143	110	四川青城山	戰鬼立盟約，收復二十四治
漢質帝本初元年	146	113	四川雲臺山	老君遺憾殺鬼過當，傳超度玄祖之法
			四川諸山（主簿山、本竹山、渠亭山等）	得靈寶經、清靜經，等趙昇
漢桓帝建和二年 正月七日	148	115	四川渠亭山	七試趙昇
			四川陵州陽山	禁錮神女，教民煮鹽井水得鹽
			四川宋江	以符鎖江中神姦
			四川鶴鳴山	神遊未來赴天職之宮殿，並示祖先事已處理完成
			四川渠亭山	朝元（神朝元始天尊），得授正一盟威法，受職為三天扶教大法師
			四川渠亭山	傳正一盟威法予王長、趙昇
			四川諸山	演煉大法、合大藥
			四川	不見姚、徐二禁氣師
漢桓帝永壽元年 正月七日	155	122	四川成都玉局	老君降，說北斗經
漢桓帝永壽元年 正月十五日	155	122	四川成都玉局	老君降，說南斗經
漢桓帝永壽元年	155	122	四川鹿堂治	定三十六靖廬、七十二福地、三百六十八名山高低品秩，設正神主守
漢桓帝永壽二年	156	123	四川雲臺山	再煉丹，服之。功成道著，由崖上躍下又出，留神跡
漢桓帝永壽二年 正月十五日	156	123	四川渠亭山	得授正一真人號
漢桓帝永壽二年 正月十五日	156	123	四川雲臺治	白日飛昇